




Број/Број: 03/6-50-1-12-5/11

veza: akt broj:01,02-02-9-65/10

Сарајево/Sarajevo, 20.10.2011. godine



PRIMLJENO: 21-10-2011			
Organizaciona jedinica	Klasifikaciona oznaka	Redni broj	Broј priloga

## ПАРЛАМЕНТАРНА СКУПШТИНА БиХ

- ПРЕДСТАВНИЧКИ ДОМ
- ДОМ НАРОДА

Na osnovu čl. 59. i 111. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 33/06, 41/06, 81/06, 91/06 i 91/07), čl. 53. i 105. Poslovnika Doma naroda Parlamentarne skupštine Bosne i Hercegovine („Službeni glasnik BiH“, br. 33/06, 41/06, 91/06 i 91/07), **Zajednička komisija za ljudska prava, prava djeteta, mlade, imigraciju, izbjeglice, azil i etiku je**, na 5. sjednici, održanoj 20.10.2011., razmatrala Prijedlog zakona o sprečavanju dopinga u sportu u Bosni i Hercegovini, te Predstavničkom domu i Domu naroda Parlamentarne skupštine BiH podnosi

## ИЗВЈЕШТАЈ

### o Prijedlogu zakona o sprečavanju dopinga u sportu u Bosni i Hercegovini

#### I. Hronologija

Vijeće ministara BiH je na 133. sjednici, održanoj 14.9.2010., utvrdilo Prijedlog zakona o sprečavanju dopinga u sportu u Bosni i Hercegovini (u daljnjem tekstu: Prijedlog zakona), te ga je, 23.11.2010., dostavilo Parlamentarnoj skupštini BiH na razmatranje po osnovnom zakonodavnom postupku.

Kolegij Predstavničkog doma, u skladu s članom 101. stav (3) Poslovnika Predstavničkog doma Parlamentarne skupštine BiH, i Kolegij Doma naroda, u skladu s članaom 95. stav (3) Poslovnika Doma naroda Parlamentarne skupštine BiH, 14.7.2011. (veza: akt broj:01,02-02-9-65/10), odredio je Zajedničku komisiju za ljudska prava, prava djeteta, mlade, imigraciju, izbjeglice,

azil i etiku Parlamentarne skupštine BiH ( u daljnjem tekstu: Zajednička komisija) kao nadležnu za razmatranje predloženog zakona.

## **II. Rasprava i odlučivanje u prvoj komisijskoj fazi i prvom čitanju u domovima**

Ustavnopravna komisija Predstavničkog doma Parlamentarne skupštine BiH razmatrala je Prijedlog zakona na 2. sjednici, održanoj 16. 6. 2011., a Ustavnopravna komisija Doma naroda na 3. sjednici, održanoj 27. 7.2011., te su utvrdile da za donošenje ovog prijedloga zakona:

- postoji valjan ustavnopravni osnov i usklađenost sa Ustavom i pravnim sistemom BiH.

Zajednička komisija je, na 2. sjednici, održanoj 25.7.2011., razmatrala principe Prijedloga zakona, te nakon rasprave jednoglasno prihvatila principe Prijedloga zakona o sprečavanju dopinga u sportu u Bosni i Hercegovini.

Predstavnički dom je na 7. sjednici, održanoj 27.7.2011., razmatrao i usvojio Prijedlog zakona u prvom čitanju, a Dom naroda je, na 5. sjednici, održanoj 14.9.2011., razmatrao i usvojio Prijedlog zakona u prvom čitanju.

## **III. Rasprava i odlučivanje u drugoj komisijskoj fazi**

Zajednička komisija je, u svojstvu nadležne komisije, na 5.sjednici, održanoj 20.10.2011., razmatrala Prijedlog zakona u drugoj fazi.

Konstatirano je da je na Prijedlog zakona, u roku utvrđenom u poslovnici, 18 amandmana uložila poslanik Dušanka Majkić.

Nakon provedene rasprave u cjelini i pojedinostima o Prijedlogu zakona, Zajednička komisija usvojila je sljedeći amandman, koji je postao sastavni dio Prijedloga zakona, i to:

### **Amandman I.**

**U članu 2. tačka v)** riječi: „Olimpijski odbor BiH, Paraolimpijski odbor BiH“ zamjenjuju se riječima: „ Olimpijski komitet BiH, Paraolimpijski komitet BiH“.

Zajednička komisija **jednoglasno je usvojila** Amandman I.

**Zajednička komisija je, s pet glasova „za“ i dva glasa „protiv“, prihvatila Prijedlog zakona o sprečavanju dopinga u sportu u Bosni i Hercegovini sa usvojenim amandmanom.**

Na osnovu člana 113. Poslovnika Predstavničkog doma i člana 107. Poslovnika Doma naroda, Zajednička komisija je za izvjestioca na sjednici Predstavničkog doma odredila Aleksandru Pandurević, a za izvjestioca na sjednici Doma naroda Nerminu Kapetanović.



**Predsjedavajuća Zajedničke komisije**

Aleksandra Pandurević

Dostavljeno:

- naslovu
- a/a